

ادبیات عمومی و سیاسی

هفته‌لق سیاسی ، ادبی و علمی غزته‌در .

جلد : ۲

سنه : ۱ ۵ شعبان ۱۳۳۵ جمعه ایرتسی ۲۶ مایس ۱۹۱۷ نومرو ۳۰

حسك بين المللى تأثيراتى

دوقتور فكرته

ادبیات ایله سیاسیاتك مشتركاً احتوا ابتدکاری ایکی مسلك وار : افكارك تاریخ انكشافی ، هان هر شعبه‌سنده عینی صفحاتی تعقیب ایده‌رك ، وبوصورتله سویه عمومیه‌دن عینی انطباعاتی آلارق تظاهر ابتدیکندن ، علومك اك متخالف شعباتنده بیله مشترك نقطه‌لر ومشابهت‌لر بولونابیلیر . بوسیله ادبیاتك لیریزم ایله ره آیزمی اولدینی کی ، سیاستك ده عینی اشکال تظاهری واردر .

اسکیدن ، سیاست خارجه‌لك خیال‌ایله حسدق مرکب ایکی نقطه استنادی واردی ، وبونلرک ایکنجیسی ، بر شکل‌دینیده تظاهر ابتدیکندن ، هر حالده برنجیسندن دها قوتلی ودها عمومیدی . قرون وسطانك هان بوتون محارباتنده تأثیراتی اك بویوك سائق شکلنده کوسترن بویکی اساسی ، غایه‌لری و طرز‌تجلیلریله یکدیگرندن تفریق ایده‌بیلیرز : عمومیتله خیال - عظمت تصوراتی ، حس - تعصب شکلنده تظاهر ایده‌رك بری جهانگیرك ، دیگریده اها سیاستلرینه منجر اولور .

سیاست حسیه ، اکثریا بی‌حدود املردن ونهایتیز برحاکیت غایه‌سندن زیاده ، معین وحقی بعضاً محدود عقیده‌لرک هدف‌سیطنه دوغرو کیدر ، وبعضاده بویوك برخیله‌دن کچهرک جهانگیرك دوغرو توسع ایدر .

اسباب ماده‌دن ظهوری نادر اولقله برابر ، هر حالده بعضاً برطاقم احتیاجاتك افاده‌سنده بکزه‌دیگندن ، اشکالی پک جوق و پک مختلفدر . اسکی زمان سیاسیلری ، هر شیئدن زیاده تأثیرات دینیہ آلتنده حرکت‌ایدیور ، ومنفعتلری حسیاتك ضمننده ، عادتا بالواسطه تأمین‌ایندلش اولیوردی ، قرون وسطا محاربه‌لرینک باشلیجه سائقلری حسیات‌دینیہ ایدی : بواعتبار ایله اوزمان حرب اولماز ، « غزا » اولوردی ؛ اکر کلیسایه استناد ایدوب بر مجتهد کی ایمانی یولنده و حس اوغورنده قوشماسه ایدی ، شارلمانیک ساده قان‌دوکسیله ، موقت بیله اولسه ینه بویوك بر آوروپا ایمپراطورلنی شکل ایده‌مزدی ، واکر ایده‌بیله‌جک اولسه ایدی ، پروتستانلغک ظهوریله وحدت حسیات انحلال

دینیه سیدی . حسك بعضاً او قدر بویوك بر استعجاله قابلیت و اردر كه در حال بر فكره انقلاب ایدر اهرهانی بر مسئله حقنده کی سیاست حسیه ، نطق و غزته لرله بك چوق تکرار ایدر و نشر ایدیلیرسه ، بر مدت صوكره ، افكار عمومی ده عادتاً بر ماهیت فکریه آلیر . عمومیته تاریخك تأثیراتی بوشکله تظاهر ایتکده در ؛ ماضینك شانلی کونری ، حیت حسنه انك قوتلی هرك اولدیغندن ، هرهانی بر حادئه سیاسیه ده فضله تکرار ایدیلیرسه ، کیتدکجه محاکمه کاملاً حسه انقلاب ایدر ؛ کچن فرانسز - آلمان محاربه سنك عرفه سیله ابتداسی قدر بو نقطه یه پارلاق بر مثال اولاماز : « پروسیایی حیات دکل ، حقایق سیاسیه اداره ایتلیر . « دین بسمارق ، فرانسز محاربه سندن بر ابکی سنه اول هانورایی ، هسی و فرانقفورت ایله ناساوی مملکتنه الحاق ایتشدی ؛ اوچنچی ناپولئون ده بونلره مقابل لوکسنبورغی فرانسه یه ضمايتك ایتیوردی . بسمارق اونی نهایتسز بروعد ایله اغفال ایتدکدن صوكره ، نهایت لوندره قونفهرانسی لوکسنبورغك بیطرفلغی اعلان ایتهدی ا فرانسه ، پروسیادنی ییدیکی بوضربه یه قارشى ، قوتسز اولدیغندن تحمل و توکلدن باشقه بر چاره بولامادی ! بو مغلوبیت سیاسیه دن حصه آلمسزین ، و اوچ سنه صوكره باطلایاجق حربی حس ایتکسزین ، پارسده بین الملل بر سرکی آچوب فرانسز صنایع نفیسه سنی تشهر ایدرک جهان قارشى افتخار ایتکله وقت کچیردیلر ! بوسرکی یه ، قرالیله برابر بسمارق ده کلشدی : دقت ایتدیکی یکانه نقطه ، قروپ طویلرینك امثاله قاطیقتی اولدی !

نهایت هوغزولرنی پرنسی له اوپولدك اسپانیا تختنه نامزدلکی مسئله سی چیتدی . فرانسه بوکا راضی اولمایور ، سفیری (به نه ده تی) ده بسمارقك آرزوسنه رغماً پروسیا قرالنی اقناع ایدرک پرنسی قرالقدنی واز کچیریوردی . اکر اوچنچی ناپولئون ، حسنه مغلوب اولمایوب بو قدرله اکتفا ایتسه ایدی ، هر حالده سقوط خیال انك زیاده بسمارقه هاند اولاجق ، و محاربه در حال اولمایاجقدی . فقط فرانسز لر آلمانلردن ابدیته قدر آتی ایچون ده تأمینات ایسته یجه ، طبیعتیله قیلیچلر چکیله دی ... غامبه تانك بو محاربه ده کی مدافعه ملیه سنی هر کس تقدیر ایدر : اکر بو حساس آدم ، صوکنه قدر حربیه دوامه قرار ویرمه دن ، پروسیادنی مصالحه دیلنمه سه ایدی ، بو تقدیر ابدی اولایلیردی : فقط آلمان شرائطی حسیاتنه مغایر بولدیغندن حربیه دوام ایتس ، و بو صورتله ده هم پارسك سقوطنه ، هم فرانسه نك دها آخیر شرائط آلتنده صلح ایتسنه سبب اولشدی ! خصوصیه پارس محاصره سنده ، بر قاچ سنه اول آثار بدیعه سنی تشهر ایتك حسیاتنه قاپیلان خلقك ، غامبه تالر سایه سنده آیلرجه قاره ییمك حقیقتنه معروض اولماسی ، ذکر ایدله دن کچیلمز محاببدندی !

... سیاسته حس قاریشیرسه ، نتیجه سی ایشته بویله پیس چیقار .

اسماهیل حامی

عثمانیلردن اول

دنیا نك تاریخده و حال حاضرده انك مهم قسعی ، شبه سز ، [آلاسقا] ایله [سیریا] آره سنده کی [بهرینغ] بوغازندن انکلتزه آطه لرینه ، منتهای شمالده کائن [چه لویشکین] برونندنی هندوستانك جنوبنده کی [قومورین] بروننه و بلکه سرنندیبه قدر ممتد و اعتباری جغرافیاجه ایکی ، لکن طبیعی جغرافیا نقطه نظرندن بر اولان اوروپا و آسیا قطعه لریدر . او توزنجی درجه عرضك

شماله تصادف ایدن اوروپا و آسیا اراضی کاملاً [سکیث] ، [هون] ، [تورانی] ویا [ترک] دنیلن ملت عمومیه نیک جولانکاهی اولمشدر [*] . بو غیر معین ، غیر مقرر سلطنتک اوچ بیوک مرکز و یا عاصمه سی اولدیغنی تصور ایده بیلرز : وسطده (قره قوروم) ، شرقده (پکین) ، غربده [آسیایه نسبتله غرب] (قسطنطنیه) . اوروپا و آکا ملاصق اولان آسیانک یوقاری طرفلری من الازل ترکر طرفندن اشغال و یغما ایدلمشدر . تاریخده ایکی نقطه جاذبه تمادیا ترکرلری چکیور : چین ، اوروپا . بو ایکی خطه ده مدنیت و ثروت ترک دیارندن دها ایلریده ایدی . ترکر هم بر صنعتکار ملت تشکیل ایتیمورلردی ، هم ده اراضیلری بک او قدر برکتلی و مبارک دکدی . اوروپانک شرقی ، آناتولی ، عراق و سوریه ، مصر ، بحر سفید حوضه سی ، شمدیکی بهارستانک بولوندیغنی بر ، جرمانیا ، روما و ملحقاتی بک زنکین ایدی و بالطبع یغما کرانک مطمح نظری اولیوردی . کذلک چین ماجین مملکتی ، قبل المیلاد ۲۱۲ - ۲۰۴ ده پایلانی دیوارک او بر طرفنده کی حکومتلر خیلی سامانه مالک ایدیلر . قدیمدن بری چین مترقی بر مملکت هد اولونیوردی و حتی اوراده ترقیات دوره کالنه کلوب حالیه ، توقف ایتمشدی . بدنجیدن اونجی عصر میلادی به طوغری بومملکت دنیانک اک متکامل قسقی صایله بیلر : فنون ، صنایع [تانغ] Tang لک دور حکومتده چینده او قدر ایلریش که بتون جوارک الظار احتراصی او غریب قطعیه توجه ایتش . ادعا طوغری ایسه [ثوئتی] wenti نک دورنده چین مطبعه لری ، حروف متحرکه ایله ادبیات شرقیه نیک اک کوزل آثارینی بیکلرجه نسخه اوله رقی قشیل ایدیورلردی . طاش اوزرینه حک ، باقر حروف چین دارالصناعه لرنده کثرتله مستعمل ایدی . ایپکجیلک چینک بر امتیاز مخصوصیدر . اوزمانکی چینک یوللری ، کوپرلری ، سدلری ، قناللری ، صوترازلری شمدی بیه محیرالعقولدر . بدنجی عصرده چین مهندسلری [یانغ - تسه] [هوانغ - هو] ، [یه تی - هو] نهرلرینی بر لهدیروب سیر سفاشته صالح بیک کیلومتر و اوزونلغنده اکمل بر قنال قازمشلردی ! هله یوللر رومانک طرق مشهوره سندقی دها ای ایدی .

ایشته ترکار بر طرفدن چینه ، دیگر طرفدن اوروپا و بحر سفید ممالکنه صورت مطرده ده آقین ایتمشلردر . تیمور و احفادنن بابر شاه زماننده هندکده ترکرلک پامالی اولدیغنی اونوتمیه لم . (چنکیز خان) ۱۲۱۱ ده چینده تا [هوانغ - هو] وادیسنه قدر کیتمشدر . (اوغوتای) [ویا اوکتای] [یانغ - تسه] یه قدر اوزانمشدر . (خوبیلای) ۱۲۶۰ ده بیوک خانلق مقامنه صعودله بتون کشور چینی ضبط و ۱۲۸۵ ده هندچینی به ، طونکینه قدر دست غالبیتنی تمید ایتمشدر . شو قدر وارکه ژاپونیا ده عدم موفقیتیه اوغرامشدر . ۱۳۶۸ ده تورقو - مونغوللر [مینغ] Ming سلاسه سی طرفندن چیندن طرد ایدلمشلردر . چینک مونغوللر طرفندن ضبطی ایله اوروپانک بیه آنلر جانبندن اشغالی بیننده بر فرق نظره چاربار : اوروپا قطعیا تارمار ایدلیدیکی حالده چینک استیلاسی

[*] بواقوامک [ایرودوتوس] (هرودوت) ده ده نامی کچور . [تاریه تااوس] Targétaos ترک دیمکدر (؟) کذلک تورانده ده بوکا داتر قید واردر . مبحث تکوینک اونجی سوره سنک اوچنجی آیتنده تعداد اولونان اولاد و احفاد یافث بن نوحدن [توغارما] ترکدر . (؟) هرودوتک محرراتنده سکیتلره داتر اولان فصللر نجیب عاصم بکک قلمیه ترکیه به نقل ایله [سیتلر] عنوانی بر رساله شکلنده نشر ایدلمشدر [۱۳۱۰] ترجمه بک اورتیه اولقله برابر مفیددر . مع التأسف مترجم ، کتابی اصلندن دکل ، فرانسه ترجمه سندن نقل ایتدیکندن اسامی خاصه ده بیوک برانتظامسزلق کوریلوره .

دها بموشاق اولمیدر . مستولیلر ممالك مفتوحه لرینک قدسیتنه ، اورا مدنیتنک علویتنه قانع ایدیلر . محافظه سز قالان رومایه کیررکن جرمنلرک برآز تردد ایتلری کبی ، مونغوللرده ، چینه دخوللرنده بر پارچه سنده لمشلردی . بونلرک مقصدی لسان ، مدنیت (؟) ، اخلاق و عادات کبی کندی علامت ملیه لرینک چینه تشبیلی و چینیلرک تمثیلی دکل ، کندیلرینک چینلی اولماسی ، [هونغ - فو - تسو] (لونفوجیتوس) مذهبنه دخوللری ، خلاصه چینیلره تمثیل ایتلری ایدی . بونلر آز وقتده چینیلشدیلر .

روسیه اقسام اصلیه سی ده اوزون مدت ترك حكومتنك نابعیتی آلتنده قالدی . بورالری (سرای) خاننك آلی ، آووچی ایچنده ایدی . (۱۳۲۸-۴۰) ده [ایوان قالیتا] Kalita ، (۱۳۴۱-۵۳) ده [کبرلی سیمه ثون] ، [دیتری دوستقوئی] ، [اوچنجی ایوان] (۱۴۶۲-۱۵۰۵) ده تاتارلره قطعی مجادله ده بولوندیله .

(وسط چیچکی) یعنی چین یغما ایدله کدن صکره چاپولجیلرک حرص غالبانه سی زیاده لشدی . چین اردولری دیوارک ماوراسنده کی تاتار و مانچورلره متادی دینه جک درجه ده جنک ایدیور . لردی ، مقاومت قابل اوله نیجه بونلر اوتلاق ویایلاقلرندن ایندیله و بیوک انهارک اسقا ایتدیکی آلقاق وادیلره یرلشدیلر . (وسط ایمپراطورلغنك) بتون ثروتی تركلرک احتیاصاتی جلب ایدیوردی . تواریخ مختلفه ده (هون) دنیلن تركلر مهاجرت عمومی ایله آوروپانك همان هر قطعه سنی یاغما ایتشلردی . (آتیلا) حالا فرنكارك خاطر نشانیدر . مختلف قوللر قافقاسیایه ، دها برطاقلری ، سلجوقیلر ، ملك رومه کیرمشلردی . تیمور زماننده ترك - تاتار سلطنتی چین واسطندن ، هندك ایالات شمالیه سندن تا بحر سفیده قدر طایانیوردی .

هر استیلا وحشتله مترادفاً برلکده کیدیوردی . [*] ۱۲۱۹ ده جنکیز خان سیرقندی آلدینی وقت - روایتیه نظراً - مدافعلرک یوزقرق بیکنی کسمش ودرت یوز بیک راده سنده کی اها لیسنی اسیرکدیکنی ذکر ایله مرحتلی طاوراندیغنی ادعا ایدرمش . دائراً مادار اوتوز کیلومترو امتداد ایدنی و جمعه غازی قیلنان اون ایکی بیک جامعله ایکوز حامی محتوی بولونان [بلخ] شهری ده بتون بتون اورته دن قالدیرلشدر . آله ایدیلن برج و بارولرک اوستنده انسان باشندن اهراملر انشا اولندینی حالا روایت اولونیور . آشاغیده اسمی کچه جک برچوق بلدان واز آن جله [مرو] شهری ده بو عاقبتیه ارغامیدر . [**]

تیمورلنك ده راست کلدیکی قصبه لری بواصوله توفیقاً اورته دن قالدیرردی . بویله فارت ایدیلن هملرده متفککل ترك حكومتنك - دها طوغریسی ترك نفوذینك جاری اولدینی یرلرک - مساحه سطحیه سی صوك جغرافیلره نظراً ۲۸ ملیون کیلومترو مربعی ایدی . بیوک - بریتانیا آطلرلی ایلله قطعات خسته ده ، دکزلرک اوبرطرفنده کی شمیدیکی انکلیز ایمپراطورانی آنجق بودرجه ده وسعتلیدر .

[*] (مونغول اقوامی خونخوارلقله شهرتشاردر . طورینولی مشهور پروفیسور لومبروسو Lombroso أوروبالی جانی انموذجنی تشریح و غریزیات اعتباریلله ایجه تدقیق ایتدکدن صکره شو نتیجه یی چیقاریور : أوروبالی جانی چکه ، صناچلرینک قیویرجق اولسی ، صتالک ندرتی ، جلدك غایت اسمرلکی ، دماغك کوچکلکی ، یوز یومرولرینک طیشارییه جیقمسی ، آلنك خروجی ، قولاقلرینك بیوککلکی ، بالنسبه منظومه عضلیه نك ضعیف بولونمسی ایلله مونغول انموذجنه یاقلاشیر .) [**] نامق کالک « امیر نوروز » ینه مراجعت .

سیبریا و آسیاده کی مستملکات وسیعہ سی ایله برابر روسیہ پالکز اون ایکی میلیون کیلومترو تربیعندہ در . بالطبع بوقدر اراضی ترک فاتحارینہ چوق کلیوردی . اوزمانلر اک سریع سواری یورویشی ایله آنهقی برسندہ بومالک قطع ایدیلہ بیلیردی . ترک فتوحاتی شمالہ (اوخوتسکی) دکزندہ وژاپونیا ایله جاوه پیشکاهندہ طوردی . [خوبیلای خان] اورالری ضبطدن اظهار عجز ایتشدی .

أوروبا طرفندہ چنکیز زمانندہ [آزاق] دکزینہ قدر کلدیلمر (۱۲۲۴) . [باتوخان] (۱۲۳۷) [ایدل] - ویا [اتل] - [یعنی وولغا] حوضہ سنی اوچیوزبیک سواریلک براردوايله فتح ایتدی . [آتیلای] کی بزہزیمتہ اوغرامہ دن مجارستانی ، آلمانیایی آلہ کچیردی . مونغول اردولرینک اوروپادہ صوک محاربہ سی [سیلہ زیا] دہ [لیغنج] Liognitz دہ وقوعبولدی (۱۲۴۱) . بوندن صکرہ بوتکرلر [اولوچ] Olmutz ہ تسلط ایتدیلمر . وشمیدیکی (بودا) تسمیہ اولونان [پشته] قارشوسندہ کی (اوفن) Ofen ی ییقدیلر . آلپلری مرورلہ ویانہیہ ، آدریاتیق ساحلنہ ، دالماجیایہ قدر کلدیلمر . فقط بواردولر چنکیز زادہ [اوغوتای] خانک وفاتی اوزرینہ انعقاد ایتسی لازم کلن (قورولتای) شورای امتہ کیتمک مجبوریتندہ بولوندقلرندن فتوحات یاریدہ قالدی .

دشت قیچاقدہ مشہور [آلتون اردو] خیل توسع ایدیوردی . بونک مرکزی (سرای) شہرندہ ایدی . روسیہ نک شرقی ، قزان [تن] (یعنی دون) ، قرہ دکز ، قریم سرایہ تابعدی . اورانک خانلری نفس الامر دہ چنکیز اولادی طرفندن فتح ایدیلن اراضینک ویرکو تحصیلدارلری مثابہ سندہ ایدیلمر .

بو ترکلرک ایچندہ [تموجین] اسمندہ اولان چنکیز خان ، تیمورلنک ، آتیلای ، ہلاکو کی بعض امرا نظر دقتہ چاربار .

تموجین - چنکیزخان [(عالیقدو قدر) ویا (ییلماز) خان دیمکدر .] مسلمان اولیوب آنی بیلمیہ رک سلطان محمد علاءالدین خوارزمشاہ ، عالم اسلام اوزرینہ صالیرمشدر . و حقیقہ برداہیہ دہیادہر . آلینہ کچن بتون کشورلری یاقوب قاوورمشدر . وفاتندن صکرہ اوغللری [جوجی] ، [اوغتای] ، (ویا اوکتای) ، [چغتای] و [تولی] جہان اسلامی زیروزبر ایتمکدہ بابالرینک اثرینہ اقتفا ایتملردر .

[بخارا] ، [سمرقند] ، [نیشابور] ، [تبریز] ، [ہمدان] ، [خجندطوس] ، [مازندران] ، [ری] ، [نجوان] ، [بدخشان] ، [بلخ] ، [مرو] ، [غزنہ] ، [ملتان] ، [ہرات] کی تاریخ اسلامجہ پک مشہور و قیمتی شہرلردہ فرد آفریدہ قالمشدی .

نامق کال دیورکہ : « طوفان کبیر طوفان ماء ایسہ ظہور تاتارہ طوفان آتش ویاخودطوفان خون دنیلہ شایستہ در . چونکہ بر فرقہ سی بر شہرہ هجوم ایتسہ بہمہ حال یرندہ کیلک بیغینندن ، بنا خا کسترندن بشقہ بر شی قالمزدی . بر اردوسی بر صحرایہ اوغراسہ البتہ آتلری دیز قباقلرینہ قدر قان ایلہ یوغورلش چامورہ باتمہ دن کچہ مریدی . اقوام اسلامک عمومہ بر درجہ یلغینلق کلش ایدی کہ مونغول مروی ضبط ایتدیکی زمان ہر تاتارک اعدام ایلدیکی آدم درت یوزہ بالغ اولمشدی . صراغہ دہ بر تاتار قاریسی بر سرای خلقنی علی العموم قتل ایتمش و ہیچ برندہ مقاومت دکل تخلص جان ایچون بر حرکت مذہوحانہ بیلہ کورولہ مشدی . » تیموردہ او اسلوب وحشتدہ یرادلش برداہیہ در .

بو ظلمه نك تاريخلرني يازه حق دكاز . بزم اصل مقصد من قديم تركلرك سجاياي مليه سنك تحريمي اولديغندن بونلرك جنكاورلكلرني تدقيق ايدهلم .

اساطيره نظراً مونقوللر يالكلز كوجه چوبانلردن عبارت دكلرمش و كويا صنايع ايله ، حرفته ، تجارتله ، حتى بديعيات ايله ، معدنچيلىك ايله اوغراشيلرلمش و يونانستانده عزمته (قابير) لرك اسراريني اوكره نهجك درجه ده ايلري كيتمشلر . بلكه بونلر طوغري اوله بيلير . فقط ، هر حالده ، صنعت و تجازات اسكي تركلرجه اساسلى بر مشغوليت دكلدى . آسياي وسطى خلقى يالكلز طوغان ، شاهين و آتمه جه كبي قوشلرله آوجيلىق صنعتنى ايلري كتورمشلر . بر بيوك جغرافينك افاده سنه كوزه تركلرك ترقى ايتدير دكلري يكانه حرفت بوايمش . آتشي تفنكك اختراعيله بو صنعتده مندرس اولمشدر .

يغما كرك مغولرجه صوك درجه ده تكامل ايتمشيدى . تاريخ بوقدر وحشى ، بودرجه بهيمي استيلالري ، يغمالري ، چاپوللري ، غوغالري بشقه يرلرده و بشفه زمانلرده قيد ايتيور . موغوللردن زياده قان دوكن و آرقه لرنده خرابه براقان بر قوم يوقدر . بر موغول سوارى اردوسى بر شهره كيرنجه ، صانكه بر عزرائيل قافله سى ايمش كبي ، آنى كثيف بر ردای موت ايله اورتردى . صور متنوعه ده تولدير مك ، ماهرانه تخريبات ياتقى ، هر وادى يه ، هر صحرايه زهرايه ماتى دوكلك صنعتده بو اقوامك عادتاً بر اختصاصى واردى . موغوللري فاتح ويغما كر ايدن - اغلب احتمال - بولونقلري سته پلرك « بوزقير » شرائط حياتيه سيدر . محيط آنلري سواريلكه ، حيوان رعينه ، حيدودلغه ، تسلطه سوق ايديور . و شوراسى ده اونوتلما مليدر كه بوقبائل محافظه سز ، حمايه سز ملتلر ايله محاط بولونيورلردى . اهالى بك سرك بر حالده ياشيوردى .

موغول ، تاتار و ترك ديديكمز بو خلق عادتاً قيصان حاله كلش برنهر جوشانك قارشيسنده تصادف ايتديكي تملسز اشياي سوپورمى قيلندندر . هر شي يرندن سوكدى ، قوباردى ، نحو ايتدى . موغوللر مهاربات مهاديه سايه سنده بك چالاك اولمشلردى . سواريلر صوك درجه ده جرأتكار ايديلر . آنلرده كي قدر جلادت ، استحقار موت ، چويكلك ، مزايای بدنيه ديكر اقوامده كورولمز . يغما كران طوپلر اوولهرق هجوم ايدرلردى . كيجه كوندوز ، يوروله دن ، آت صيرتنده قوشوشورلردى . صوك درجه ده آزه قناعت ايدرلر ، بيوك محروميتلره قاتلانيلر ، اويقوسزلق كنديلرني ييلديرمازدى . [قيميژ] ، يعنى تنجر ايتش سوت خلاصه سى اغديه عاديهرلى ايدى . سفرده ييه جك بوله ميان تاتار - ترك درحال حيواننك بر طماريني دلهر ، بر مقدار قان ايجد كدن صكره يارايي كنديلرنجه معلوم اولان اصول اوزره قاپار وينه او واسيع و فسيح اراضى يي طولاشيردى . سواريلرك دائما يدك حيوانلري بولنوردى . بونلرك هددى اون سكره قدر چيقارمش . تاتار ، قارشيدن بر بلوط كبي ، علولى بر يانغينك ايلريلسى كبي كليرمش .

زواللى ساكن اهالى افقده بويله بر موت و اجل ، بر تخریب و انعدام بولوطنك بليرديكنى كورور كورمن بيوك بر ياس و فلا كته انتظار ايدرلرمش . هيچ بر حق و صرحت اساسنه ملتفت اولميان ، حتى حق و صرحتك ، انسانيتك اسمنى بيله طويميان بو يغما كران مقدمه الجيش شكلنده بر يره صالدير و كن بتون ملتده آرقه ده فنايمه انتظار ايدرمش . - مابعدى وار -